

10-MAVZU: TOTALITAR TUZUMNING MUSTAHKAMLANISHI. HOKIMIYATNING REPRESSIV FUNKSIYALARINING KUCHAYISHI

“SWOT” TEXNOLOGIYASI

S	KUCHLI TOMONLARI (hokimiyat va shart-sharoitga nisbatan)	O	IMKONIYATLARI (hokimiyat va shart-sharoitga nisbatan)
	<p>Yangi iqtisodiy siyosat – 1918–1920 yillarda yuritilgan harbiy kommunizm siyosati vositasida mamlakatni to‘ydirish, kiydirish, isitish mumkin emasligiga ko‘zi yetgan bolshevik rahbariyatining 1921-yil mart oyidan boshlab yuritgan iqtisodiy siyosati. U tarixda yangi iqtisodiy siyosat (NEP) nomini oldi.</p>		<p>YaIS (NEP) iqtisodiyotning ko‘p tarzli bo‘lishini e’tirof etdi, erkin tijorat va xususiy mulkchilikni e’lon qildi. Konsessiyalar berish vositasida xorijiy sarmoyaning mamlakatga kirish yo‘li ochildi. NEP siyosati mayda tijoratchilarning katta armiyasi paydo bo‘ldi. Millionlab kosib-mayda hunarmandlar mamlakat iste’mol mollarining to‘rt dan uch qismini ishlab chiqara boshladi. Natijada ishchi va dehqonlarning turmushi yaxshilandi, dastlabki jiddiy ijtimoiy tadbirlar hayotga joriy etila boshlandi.</p>
W	KUCHSIZ TOMONLARI (hokimiyat va shart-sharoitga nisbatan)	T	TO‘SIQ VA MUAMMOLAR (hokimiyat va shart-sharoitga nisbatan)
	<p>Yangi iqtisodiy siyosat iqtisodiyotning tabiiy rivojlanishi va bozor iqtisodiyoti qonunlari har qanday balandparvoz shiorlar (sotsializm, kommunizm) dan ustun turishini hayot amaliyotida ko‘rsatib bergan edi. Biroq NEP siyosatining iqtisodiy erkinlik va tadbirkorlikka yo‘l ochib berishi aholi o‘rtasida mulkiy tengsizlikni, aholining tabaqalanishini keltirib chiqarardi.</p>		<p>Yangi iqtisodiy siyosatning aholi o‘rtasida mulkiy tengsizlikni, aholining tabaqalanishini keltirib chiqarishi esa sotsializmning prinsipial tamoyillariga zid bo‘lganligi sababli 20-yillar o‘rtalaridan Yangi iqtisodiy siyosatga asta sekin barham berilib, davlat monopol iqtisodiyoti, mulkni sotsiallashtirish siyosati joriy etila boshlandi.</p>